

文職官吏監生知印承差犯枉法滿貫絞罪充軍  
例

成化元年正月二十二日大理寺卿王 寺

題為侵欺船料價銀事據左寺案呈該刑部山東清吏  
司發審犯人王綱招充直隸全椒縣刑房典吏天  
順八年五月內有民人宋綬侵欺船料價銀二百四  
十余兩蒙王都御史拏送本縣收監是綱不合枉法  
接受米綬銀二兩直鈔一百六十貫實放脫逃事發  
本縣拿綱轉解到司取問罪犯逃犯朱綬另行議得  
王綱所犯合依吏受財枉法無祿人一百二十貫律  
絞照例送兵部緝發充軍審擬合律本寺查得舊例  
文職官吏監生知印承差有犯受財枉法滿貫絞罪  
者俱送兵部緝發北方邊衛充軍天順八年正月二

十二日卽該欽奉

詔書內一款文職犯贓者原籍為民枉法滿貫者照舊充軍欽此欽遵今照王綱係見後吏典犯該前罪

赦例雖不該載此典文職犯贓情罪相同合無照例送兵部編發充軍今後但係文職官吏監生知印承差有犯枉法滿貫絞罪者俱照前例發遣緣係申明舊例未敢擅便具題奉

聖旨是欽此

官吏犯贓者頭跡者過革仍提對理發落例

成化二年三月十六日都察院左都御史李

題為

開讀事江西道呈刑科抄出江西按察司奏奉都察院勘合劉付前事准刑部咨該本部等衙門奏節該伏覲

詔書內一款文職官有犯貪濫罪者不拘已不結正俱發原籍為民欽此看得文職官吏有犯貪濫罪者事發在官曾經勘問及衆証明白事有显跡不拘已未結正欽遵發遣為民外中間有事發已提在官及已被告發未經行提并勘提未報事無显跡正佐者合無照依

赦例宥免等因節該奉